

Siunnersuummut nassuiaatit

## **Oqaaseqaatit nalinginnaasut**

### **1. Aallarniut**

#### **1.1. Siunnersuummut pingaarnertut tunngaviusut**

Allanguutissatut siunnersuummut tunuliaqutaasoq tassaavoq, Nunatta Katersugaasiviata Allagaateqarfialu kissaatigisimammagu, Siulittaasup naalakkersuisoqarfiani inatsisunik katersat, toqqortaasivinniit assigiinngitsuniit toqqortaatinik imaqartut, toqqorneqarsinnaanerannut periarfissamik pilersitsisoqarnissaa.

Kissaatigineqarsimavortaaq toqqortaatinik atukkiussinermi atugassarititaasut eqaannerulersinneqarnissaat, taamaalilluni toqqortaatit atukkianneqarusuttut paarineqartarnerat qulakkeerneqassammat, isumannaatsumik pissusissamisoortumillu assartorneqarlutillu toqqortarineqartarnissaat qulakkeerneqassammat.

Tamatuma saniatigut KANUKOKA-p atorunnaarsinneqarnerata tunngavissatut aalajangersakkat ilaanni oqaaseqatigiit allangortinneqarnissaannik pilersitsisimavoq.

Matuma saniatigut toqqortaasiveqarneq aamma inuit pillugit paasissutissat pillugit inatsisitigut maleruagassat akornanni ataqatigiinnerit ersarissarneqarnissaat pisariaqalersimavoq.

Taamatuttaaqaq allanguutinik minnerusunik ersarissaanernillu pisariaqartitsisoqarnera paasineqarsimavoq.

#### **1.2. Inatsisissamik piareersaanermi immikkoortut pingaarnerit**

Inatsisissamik suliarinninnerup nalaani Ilinniartitaanermut, Kultureqarnermut, Ilageeqarnermullu Naalakkersuisoqarfiup, Naalakkersuisut Siulittaasuata Naalakkersuisoqarfia, Nunatta Katersugaasivia Allagaateqarfialu aamma Digitalimik Sullissinermut Aqutsisoqarfik oqaloqatigisarsimavai.

Siulittaasup naalakkersuisoqarfianik oqaloqateqarnerup aamma maleruagassanut tunngavissanik periusissanillu sukumiinerusumik misissuinerup kingorna nalilerneqarpoq, toqqortaatit naalakkersuisoqarfinit assigiinngitsunit suliarineqarsimasut toqqortaasivimmut ataasiinnarmut katersorneqassappata toqqorneqarlutillu, tamanna inatsimmik allannguinermik pisariaqartitsisoqartoq.

Digitalimik Sullissinermut Aqutsisoqarfik siunnersuummi maleruagassat, toqqorsiveqarnermi maleruagassat aamma inuit pillugit paasissutissat pillugit inatsisitigut maleruagassat akornannut tunngasut, ilanngunneqarnissaannut atatillugu isumasiorfigineqarnikuuvoq.

## **2. Siunnersuummi immikkoortut pingaarnertit**

### **2.1. Malittarisassat atuuttut**

Malittarisassat atuuttut tassaapput Allagaateqarfeqarneq pillugu Inatsisartut inatsisaat nr. 5, 3. juni 2015-imeersoq (matuma kingorna toqqortaait pillugit inatsit).

#### *Inatsisartut inatsisaata atuuffissai*

Toqqortaait pillugit inatsimmi § 1, imm. 2-mi aalajangersarneqarpoq, Naalakkersuisut aalajangiisinnaapput inatsit sullissiveqarfinnut, ingerlatseqatigiiffinnut, peqatigiiffinnut il.il. erseqqinnerusumik taaneqartunut, pisortat ingerlatsiveqarfiisut naatsorsuunneqarsinnaanngitsunut tamakkiisumik ilaannakortumilluunniit atuutissasoq. Aatsaalli tamanna atuutissaaq suliffeqarfiutimik aningaasartuutaat tamarmik amerlanersaalluunniit pisortanit akilerneqartarpata, imaluunniit inatsisikkut peqqussutikkulluunniit pisortat sinnerlugit aalajangiinissaminnut pisinnaatitaaffilerneqarsimappata.

#### *Toqqortaait suliarineqarnerat toqqortaatigineqarnerallu*

Toqqortaait pillugit inatsimmi § 6, imm. 1-imi aalajangersarneqarpoq, pisortat sullissiveqarfiutaasa toqqortaaitimik, elektroniskimik toqqortat ilanngullugit, qaqugukkulluunniit Nunatta Katersugaasiviata Allagaateqarfiatalu akuerisaanik isumannaatsumik suliarineqarnissaat toqqortarineqarnissaallu isumagissagaat.

#### *Toqqortat pisortat suliffeqarfiutaasa allat toqqortaannit immikkoortisimaneqassapput*

Toqqortaait pillugit inatsimmi § 6, imm. 2-mi aalajangersarneqarpoq pisortat sullissiviisa toqqortatik pisortat sullissiveqarfiisa allat toqqortaataannit immikkoortissagaat.

#### *Maleruagassat aalajangersarneqarnerat, kommunini ingerlatsiviit toqqortaatinik suliarinnittarnerat toqqortaartarnerannullu aamma toqqorsiveqarnermut allakkanillu nalunaarsuiffeqarnermut pilersaarutinut tunngasuupput*

Toqqortaait pillugit inatsimmi § 8-p aalajangersarparaa, Nunatta Katersugaasivianit Allagaateqarfianiillu innersuussinerup kingorna pisortat sullissiveqarfiutaasa toqqortaatinik suliarinnittarnerat toqqortarinnittarnerallu pillugit erseqqinnerusumik maleruagassanik Naalakkersuisut aalajangersaasinnaasut. Kommunini ingerlatsiviit toqqortaatinik suliarinnittarnerat toqqortaartarnerallu pillugit maleruagassat Kalaallit Nunaanni Kommunit Kattuffiannut, KANUKOKA-mut isumaqatiginninniareernikkut aalajangersarneqassapput.

Toqqortaait pillugit inatsimmi toqqorsiveqarnermut allakkanillu nalunaarsuiffeqarnermut pilersaarutit pillugit immikkoortumi § 10-mi aalajangersarneqarpoq Naalakkersuisut toqqorsiveqarnermut allakkanillu nalunaarsuiffeqarnermut pilersaarutit pillugit maleruagassat

erseqqinnerusut, Nunatta Katersugaasiviata Allagaateqarfiatalu tamatuminnga inassuteqarneratigut aalajangersassavaat. Aamma kommunini ingerlatsiviit toqqorsiveqarnermut allakkanillu nalunaarsuiffeqarnermut pilersaarutitik suliaqartarnissaat pillugu maleruagassat Kalaallit Nunaanni Kommunit Kattuffiannut, KANUKOKA-mut isumaqatiginninniareernikkut aalajangersarneqassapput.

*Nunatta Katersugaasivianut Allagaateqarfianullu toqqortaatinik tunniussisarneq*

Toqqortaait pillugit inatsimmi § 12, imm. 1-imi aalajangersarneqarpoq, toqqortat ukiunit 15-iniit pisoqaaneruserut pisortallu sullissiveqarfiutaata sulinerani atortussaajunnaartut Nunatta Katersugaasivianut Allagaateqarfianullu tunniunneqassasut. Pisuni immikkut ittuni aamma Nunatta Katersugaasivianut Allagaateqarfianullu isumaqatigiissuteqarnikkut tunniussineq piffissami allami pisinnaavoq.

*Toqqortaatinik atukkiussineq*

Toqqortaait pillugit inatsimmi § 21, imm. 2 aalajangersaavoq, ilisimatusarnermut atugassaatillugit Nunatta Katersugaasiviata Allagaateqarfiatalu toqqortat atuagaateqarfinnut, katersugaasivinnut akuerisanut aamma sullissiveqarfinnut tamakku assinginut atukkiunneqarsinnaanerak akuersissutigisinnaagai.

*Inunnut paasissutissanut inatsimmi inatsisitigut maleruagassat*

Inunnut paasissutissanik suliarinnittarneq pillugu peqqussut nr. 1238, 14. oktoberi 2016-imeersoq aqutigalugu, inunnut paasissutissanik (matuma kingorna inunnut paasissutissanut inatsit) suliarinnittarneq pillugu maleruagassanik aalajangersaasoqarnikuvoq.

Allagaateqarfeqarneq pillugu inatsimmi 2015-imeersumi aalajangersagaqanngilaq sunniivigeqatigiittarneq inunnut paasissutissanut inatsimmut atasunik, tamatumani aamma toqqortaqartarnermut, tunniussisarnermut aamma atortussanik atuisarnermut, inunnut paasissutissanut inatsimmut atatillugu, taamaalinerani inunnut paasissutissanut inatsit Kalaallit Nunaanni atortuulersimanngimmat, tamanit allagaateqarfeqarneq pillugu inatsit akuersissutigineqarmat. Assigisaanik atuuppoq paasissutissanik paasisaqarsinnaanerak inunnut paasissutissanut inatsimmi ilaasunik, Nunatta Katersugaasiviani Allagaateqarfiani toqqortarineqartussatut nuunneqarsimasuni.

## **2.2. Siunnersuut**

*Inatsisartut inatsisaata atuuffissai*

Siunnersuutip § 1, nr. 1-iani, toqqortaait pillugit inatsimmi § 1, imm. 2-mut allannguutissamik siunnersuuteqartoqarpoq, taamaalilluni Naalakkersuisut maleruagassatigut aalajangersarsinnaavaat Inatsisartut inatsisaat tamakkerluni tamakkernaniluunniit atortuussasoq ingerlatseqatigiiffinnut, suliffeqarfinnut il.il. erseqqinnerusumik taaneqartunut pisortat ingerlatsinerannut naatsorsuunneqarsinnaanngitsunut. Aatsaalli taamaattoqartassaaq sulinerminni aningaasartuutaat tamarmik amerlanersaalluunniit pisortanit akilerneqartarpata,

imaluunniit inatsisikkut peqqussutikkulluunniit pisortat sinnerlugit aalajangiinissaminut pisinnaatitaaffilerneqarsimappata.

Aalajangersakkami pineqarput oqartussat, suliffeqarfiit, ingerlatseqatigiiffiit, peqatigiiffiit il.il., toqqortaatit pillugit inatsimmi § 1, imm. 3-mi pisortat suliffeqarfiutaattut taaneqartut.

Aalajangersagaq ima allangortinneqarpoq, pisortat suliffeqarfiutaasa taama ittut inatsimmut ilaanerat pissasoq tamanna pillugu nalunaarummik aalajangersaanikkut. Taamaalilluni nalunaarutissatut siunnersuutip tusarniarneqarneranut atatillugu aamma nalunaarutip atuuttunngorneranik nalunaaruteqarnermi tamanut saqqummiunneqarnissaa qulakkeerneqarpoq. Aaqqissuussinerup assigisaa, Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat nr. 9, 13. juni 1994-imeersumi aamma Pisortat ingerlatsineranni suliassat suliarineqartarnerat pillugu Inatsisartut inatsisaat nr. 8, 13. juni 1994-imeersumi nassaassaavoq.

*Toqqortaatit suliarineqarnerat toqqortaatigineqarnerallu*

Siunnersuutip § 1, nr. 2-ani, toqqortaatit pillugit inatsimmi § 6, imm. 1-ip allangortinnissaanik siunnersuuteqartoqarpoq, matumani elektroniskimik toqqortat suliarineqassapput toqqorneqarlutillu Nunatta Katersugaasiviata Allagaateqarfiatalu atortulersuummi akuerisaani, taakkulu qarasaasiamut toqqorsiviusumut millisillugit nuunneqarsinnaassasut erseqqissaatigineqarluni.

*Toqqortat pisortat suliffeqarfiutaasa allat toqqortaannit immikkoortisimaneqassapput*

Siunnersuutip § 1, nr. 2-ani, § 6, imm. 3-mi aalajangersagaq ilanngunneqarnikuuvoq taassumalu aalajangersarpaa, Naalakkersuisut aalajangiisinnaasut, Inatsisartut inatsisaat atsiukkat siullerpaat, Inatsisartut peqqussutaat, Namminersornerullutik Oqartussat aamma Namminersorlutik Oqartussat peqqussutaat kiisalu kommunit ileqqoreqqusaat, toqqorsiveqarfiup toqqagaani toqqorsivimmi toqqortaatigineqassasut.

Aalajangersakkap taaneqartup taassuma, Kalaallit Nunaanni inatsisit allaqqaakkat nalunaarutit il.il. toqqorsiveqarfimmi ataatsimi ataatsimoortillugit toqqortaatigineqarsinnaanerannik Nunatta Katersugaasiviata Allagaateqarfiatalu kissaataa, akuersaarpaa. Maleruagassat amerlaqisut taakku sumiiffimmut ataatsimut katersornissaat pissusissamisoortutut isigineqarpoq, tassa katersat pillugit tamakkiisumik takunnissinnaanerup pilersinneranut tamanna tapertaassammat. Tamatuma saniatigut maleruagassanik katersaateqarnerup allagaatinik ataasiakkaanik nassaarniarneq ajornannginnerulersissavaa, tassa toqqorsiveqarfimmi ataasiinnarmi ujaasisoqarsinnaalissammat.

*Maleruagassat aalajangersarneqarnerat, kommunini ingerlatsiviit toqqortaatinik suliarinnittarnerat toqqortaqartarnerannullu aamma toqqorsiveqarnermut allakkanillu nalunaarsuiffeqarnermut pilersaarutinut tunngasuupput*

Siunnersuummi § 1, nr. 3-mi aamma § 1, nr. 5-imi, toqqortaait pillugit inatsisip § 8, oqaaseqatigiit aappaat aamma § 10, oqaaseqatigiit aappaanni, nutaamik oqaasertalerneqassasut siunnersuutigineqarpoq, taamaalilluni "Kalaallit Nunaanni Kommunit Kattuffiat, KANUKOKA" taarserneqarpoq uannga "kommunit", kattuffiup ulloq 31. juli 2018-imi atorunnaarsinneqarnerata malitsigisaanik. Matumuuna kommunit ingerlatsiviisa suliarinnittarnerat toqqortaateqartarnerallu kiisalu allakkanik nalunaarsuiffeqarnermut pilersaarutinik suliaqarnerat pillugu maleruagassanik aalajangersaanermi kommunit tamarmik sulii ilaatinneqartarnissaat qulakkeerneqassaaq.

*Nunatta Katersugaasivianut Allagaateqarfianullu toqqortaatinik tunniussisarneq*  
Siunnersuummi § 1, nr. 6-imi, toqqortaait pillugit inatsisip § 12, imm. 1-ianik allannguinnissaq siunnersuutigineqarpoq, matumani erseqqissaatigineqarluni toqqortaait ukiunit 15-init pisoqaanerusut pisortallu sullissiveqarfiutaata sulinerani atorussaajunnaartut, kinguarsarnertaqanngitsumik Nunatta Katersugaasivianut Allagaateqarfianullu tunniunneqassasut. Erseqqissaanerup imarivaa ilanngunneqarmat, kinguarsaanertaqanngitsumik tunniunneqassapput. Erseqqissaaneq taanna tamanna pillugu Nunatta Katersugaasivianit Allagaateqarfianiillu kissaateqarneq tunuliaqutaralugu siunnersuutigineqarpoq, taassuma ilisimatitsissutigisimammagu, pisortat suliffeqarfiutaasa arlaqartut toqqortaatinik tunniussisussaataasut, tunniussisussaataanerup qaangiunnerata kingunerujussua aatsaat tunniussisarsimanerat.

*Toqqortaatinik atukkiussineq*

Siunnersuummi § 1, nr. 11-mi ilaavoq, oqaaseqatigiit aappaani ilanngussinissamik siunnersuut toqqortaait pillugit inatsimmi § 21, imm. 2-mut, matumani aalajangersarneqarpoq, suliffeqarfinnut allanut toqqortaatinik atukkiussinermi Nunatta Katersugaasivia Allagaateqarfialu atukkiussinermut atasumik piunasaqaateqarsinnaasoq.

Pissusissamisoortutut isigineqarpoq qularnaassallugu Nunatta Allagaateqarfiata Toqqorsiviatalu immikkut aaqqissuussisarsinnaanera toqqortaatinik attartortitsinerni, toqqortaait pisariaqanngitsunik ajoqusersinnaanermik eqqorneqaqqunagit.

*Inunnut paasissutissanut inatsimmi inatsisitigut maleruagassat*

Siunnersuummi § 1, nr. 4, 7, 8, 12 aamma 13-imi aalajangersakkat siunnersuutigineqarput, toqqortaait pillugit inatsisip aamma inunnut paasissutissanut inatsisip akornanni peqatigiinnermut attuumassuteqartuni.

Inunnut paasissutissanut inatsimmi, inuit pillugit paasissutissanik toqqorsiveqarfimmi suliarinnittarnerup toqqortaait pillugit inatsisip maleruagassiorneranut tunngavissaataasumit aallaaveqarpoq, taanna inunnut paasissutissanut inatsimmut ilaavoq, matumani tunniussisarneq, toqqortaateqarneq pissarsisinnaanerlu ilanngullugit. Paasissutissat illersorneqarnerat pillugu inatsisitigut apeqqutinut tunngatillugu, toqqortaait pillugit

inatsimmi maleruagassiorfigineqarnikuunngimmata, inuit pillugit paasissutissanik suliarinnittarneq pillugu inatsisini maleruagassat nalinginnaasut allat atorneqassapput.

Siunnersuutip § 1, nr. 4-mi siunnersuutigineqarpoq aalajangersakkamik nutaamik allagaateqarfeqarneq pillugu inatsimmi ilanngussisoqarnissaa (§ 8 a), tassanilu aalajangersarneqarluni Naalakkersuisut Datatilsyn-imik oqaaseqartitsereernikkut ersarinnerusunik maleruagassiorsinnaasut Nunatta Katersugaasiviata Allagaateqarfialalu inunnut paasissutissanut inatsimmi paasissutissanik pineqartuni toqqortaateqarsinnaanera pillugu.

Inunnut paasissutissanut inatsimmi § 5, imm. 5-imi aalajangersarneqarpoq, paasissutissat katersorneqartut nalunaarsorneqartup kinaassusianik paasinninnissamut periarfissiilluni piffissamit siunertarineqartumut paasissutissanik katersinermi pisariaqartinneqartumit sivisunerusumik paarineqassanngitsut. Taamaalilluni pisortatut oqartussaasup paasissutissat katersorneqartut aamma allaffissornikkut siunertaqarluni suliarineqartut, piffissami killilikkami taamaallaat paarisinnaagai. Allaffissornikkut siunertamut tunngatillugu paasissutissat, katersorneqarfimminnut suliarineqarnerminnullu atatillugu pisariaaruppata, taakku suujunnaarsinneqassapput, matumani paasissutissat oqaluttuarisaanermut imaluunniit ilisimatusarnermut atatillugu kingusinnerusukkut suliarineqarsinnaasutut nalilerneqarsimangippata.

Kiisalu aamma § 5, imm. 2, inunnut tunngasumik inatsimmi oqaaseqatigiit aappaanni ersippoq paasissutissanik kingusinnerusukkut suliaqarneq, kisimi taamaallaat pisoq oqaluttuarisaanermut, kisitsisinik paasissutissalerinermut imaluunniit ilisimatusarnermut, ilanngunneqarsinnaanngitsutut isigineqassanngitsoq, tassunga ilanngullugu paasissutissat katersorneqareermata.

Toqqortaait pigineqarnissaannik toqqorsiveqarneq pillugu maleruagassani siunertavioq eqqarsaatigalugu pisinnaatitsisoqarpoq siunnersuummi § 1, nr. 7, naapertorlugu maleruagassiornikkut aallaavioqumik sanioqqutsisinnaaneq inunnut paasissutissanut inatsimmi aalajangersakkanik.

Siunnersuummi § 1, nr. 7-imi, toqqortaait pillugit inatsisip tunngavioqussatut aalajangersagartaani piusuni § 13, imm. 2 allanngortinneqassasoq siunnersuutigineqarpoq, taamaalilluni erseqqissarneqarpoq, toqqortaatinik inunnut paasissutissanut inatsimmi ilaasunik tunniussisarneq aamma ilaassasoq aamma pigiinnarneqassasoq.

Toqqortaatinik inunnut paasissutissanut inatsimmut ilaasunik paarisarneq, Nunatta Katersugaasivianut Allagaateqarfianullu tunniussinikkut pitsaanerpaamik qularnaarneqarsinnaavoq. Tassani toqqortaatiginneq paasissutissanik illersuinermut tunngasutigut periarfissaassaaq alla, paasissutissanik kinaassusiiasarnernut imaluunniit nunguterisarnernut.

Inuit pillugit paasissutissanik pigiinnarneqarsinnaasutut nalilikkani pisortat toqqorsiviutaannut nuussinermi anguneqarsinnaavoq paasissutissat illersorneqarnissaat, paarisqaqarnermi teknikkimut aamma aningaasaqarnermut tunngasut toqqissisimanartumik isumagineqartarnissaat.

Siunnersuutip § 1, nr. 12-iani siunnersuutigineqarpoq ilanngussisoqassasoq aalajangersakkanik nutaanik (§§ 21 a – 21 c), imaqartunik pisuni aalajangersimasuni akuersissuteqartoqarsinnaasoq pappialaatinik, toqqorsivinnik immikkoortuni imaluunniit toqqorsivinnik arlaqartunik immikkoortunik atuisinnaanermut, Nunatta Katersugaasivianut Allagaateqarfianullu tunniunneqarsimasunik, atorneqarsinnaaneritut piffissaliussaasup suli naannginnerani. § 21 a aalajangersaavoq Nunatta Katersugaavia Allagaateqarfialu akuersissummik pineqartutut tunniussaqaarsinnaasoq, kisiannili tamatumunnga atatillugu innersuussisoqarluni §§ 21 b aamma 21 c, aalajangersaasunik akuersissuteqartarnermut pisortanit allagaatinik tunniussisuusunit, aallaaviusartutut akuersissummik nalunaaruteqarnissamut. § 21 b tassaavoq akuersissuteqartarnek pisortanit allagaatinik tunniussisuusimasunit pineqartuni aalajangersimasuni. , aammalu § 21 c-mi pineqarluni akuersissuteqartarnek Datatilsyn-imit, pineqartillugit toqqorsiviit inunnut ataasiakkaanut taakkualu pillugit inuttut paasissutissat. Kiisalu tamatumunnga atatillugu siunnersuutigineqarpoq allannguinnissaq Inatsisartut inatsisaanni maanna atuuttuusumi § 14- imik, pisortat ingerlatsiviisa periarfissaat nammineq allagaatinik toqqortaatineqartunik attartortutut angerlaasseqqissinnaaneq sulianut atatillugu, tamatumani aalajangersakkami innersuussisoqarluni § 21 c-mut. Tamatumani erseqqissarniarneqarpoq allagaatit toqqortaait pineqartillugit inunnut ataasiakkaanut taakkualu inuttut inuunerannut tunngasut, taava angerlaassilluni allagaatinik toqqortaatineqartunik atorsinnaaneq Datatilsyn-imit akuersisoqqaartussaasoq.

Siunnersuummi § 1, nr. 13-imi siunnersuutigineqarpoq aalajangersakkamik nutaamik ilanngussisoqarnissaa (§ 22 a), aalajangersaasumik Naalakkersuisut Datatilsyn-imiit oqaaseqartitsernekkut malittarisassiorsinnaasut atugassarititaasussanik inunnut paasissutissanut inatsimmi pineqartunut tunngasuni.

Siunnersuummi § 1, nr. 14-imi siunnersuutigineqarpoq kapitali nutaaq (6 a) aamma aalajangersagaq nutaaq (26 a) toqqortaait pillugit inatsimmut ilanngunneqassasut, pineqarlutillu paasissutissanik piniartarnek, inunnut paasissutissanut inatsimmi pineqartunut tunngasuni.

§ 26 a, imm. 1-iusussatut siunnersuutigineqartumi, aalajangersarneqarpoq, paasissutissat inunnut paasissutissanut inatsimmut ilaasut, Nunatta Katersugaasiviani Allagaateqarfianilu toqqortaatineqartussatut nuunneqarsimasut, pillugit paasissutissanik pissarsitinneqarnissaq pillugu inuk kinaluunniit Nunatta Katersugaasivianut Allagaateqarfianullu qinnuteqaammik saqqummiussisinnaasoq.

Imm. 2-mi aalajangersarneqarpoq, qinnuteqaatip, paasissutissanik taakkuninnga suliarinneqqartuusimasoq, oqartussaasoq nalunaassagaa.

Imm. 3-mi aalajangersarneqarpoq, Paasitinneqarnissaq pillugu qinnuteqaat tamanna pillugu inunnut paasissutissanut inatsimmi aalajangersakkat malillugit oqartussaasumut pineqartumut aalajangiisussamut, Nunatta Katersugaasiviata Allagaateqarfialu ingerlateqqissagaa.

Imm. 4-mi aalajangersarneqarpoq, Nunatta Katersugaasivianut Allagaateqarfianullu tunniunneqarsimasunik inuit namminneerlutik toqqortaataannik paasitinneqarnissaq pillugu qinnuteqartoqartillugu, inunnut paasissutissanut inatsimmi ilaasunik, peqqussummi aalajangersakkat malillugit tamanna pillugu toqqortaasivik aalajangiisassoq. Qinnuteqaatip paasissutissanut akisussaasuusoq, paasissutissanik pineqartunik suliarinneqqaartuusoq, nalunaassavaa.

Inunnut paasissutissanut inatsimmi § 31-imi aalajangersagaqarpoq inuup nalunaarsugaasup paasissutissarsinnaaneranut tunngasunik. Matumani aalajangersarneqarpoq, Inuk qinnuteqaammik saqqummiussaqqarpit pineqartoq pillugu paasissutissanik suliarinnittoqarneranik qarasaasiakkut paasissutissanut akisussaasup pineqartoq nalunaarfigissagaa. Paasissutissanik taamaattunik suliarinnittoqarpit nalunaarsorneqartoq makku pillugit paasiuminartumik nalunaarfigineqassaaq,

- 1) paasissutissat sorliit suliarineqarnersut,
- 2) suliarinninnermi siunertaq,
- 3) paasissutissanik tiguisussat kikkuuneri aamma
- 4) paasissutissat taakku sumit pissarsiarineqarnerannik paasissutissat pissarsiarineqarsinnaasut.

Aalajangersagassat § 26 a-mi siunnersuutigineqartoq taamaalilluni inunnut paasissutissanut inatsimmi § 31-mi nalunaarsorneqartup takunnissinnaatitaanera pillugu maleruagassanut tapertaasutut isigineqassaaq.

Allagaatinik tunniussineq, imaqartunik inunnut paasissutissanut inatsimmi pineqartunik, Nunatta Allagaateqarfianut Toqqorsivianullu kinguneqassaaq paasissutissanut akisussaasutut inissisimaneq pisortaniit tunniussisuusuniit Nunatta Katersugaasivianut Allagaateqarfianullu nuunneqarneranik. Inunnut paasissutissanut inatsimmi § 31 aalajangersaavoq inuk tamatumunnga akuersissuteqartoqarnissaanik qinnuteqarpat, allagaatinut paasissutissanut akisussaasup pineqartoq nalunaaruteqarfigissagaa pineqartumut tunngasunik paasissutissanik suliaqartoqarnersoq pillugu. Inuk pillugu paasissutissanut inatsimmi § 32-mi aalajangersagaqarpoq pisuni qanoq ittuni nalunaarsorneqarsimasup paasissutissanik pisinnaaneranut, tamannalu tunulliunneqarsinnaanersoq inuinnaat imaluunniit pisortat soqutigisaannik tunngaveqartunik. Kiisalu aamma § 32, imm. 3-mi ersippoq nalunaarsorneqarsimasoq paasissutissinneqarnissamik pisinnaatitaanngitsoq, paasissutissat taamaallaat ilisimatusarnermut attuumassuteqartunik suliarineqarpata, imaluunniit

paasissutissat taamaallaat toqqortaatigineqarpata inunnut tunngasunik paasissutissaatitut piffissami kisitsisinik paasissutissanik suliaqarfiusumi. Saniatigut aamma § 32, imm. 4-mi aalajangersarneqarpoq inatsisinik atortitsinermut ministeri sanioqqutsisinnaanermut aalajangersagaliorsinnaasoq paasissutissinneqarsinnaanermiit, paasissutissanut pinerluttaalisitsinermut attuumassuteqartuni, pisortat ingerlatsiviinit suliarineqartuni, § 30-imi sanioqqutsisinnaanermut aalajangersakkap kingunerippagu paasissutissinneqarsinnaaneq nalinginnaasumik itigartinneqartussaasoq. Taamaattuni paasissutissanut tunngasunik akisussaasoq taannaassaaq isummertussaasoq. Siunnersuutigineqartumi § 26 a-mi imm. 2-mi aalajangersarneqarpoq saaffiginnissummi nalunaarneqassasoq pisortaqaarfik taamani paasissutissanik pineqartunik suliaqartuusimasoq, imm. 3-milu aalajangersarneqarluni piunasaqaat pisortanut taakkununga ingerlatseqqinneqartussaasoq, taakkualu inunnut paasissutissanut inatsimmi aalajangersakkat naapertorlugit suliami aalajangiisussaasut. Tamanna tunngavilerneqarpoq pisortaqaarfik pineqartoq taannatuaammat ilisimasaqartuusooq suliami imaluuniit suliani, inummut tunngasumik paasissutissani pineqartuni, isummersinnaasutuaallunilu paasissutissat pineqartoq malittarisassanik sanioqqutsinikkut tunniunneqarsinnaanersut.

Aaqqissuussineq taanna atorlugu pisortat tunniussisut pisariaqartitsissapput Nunatta Katersugaasivia Allagaateqarfialu qinnuigissallugu nassiunneqassasut allagaatit tunniunneqarsimasut, pisortat taakkua tigummiunnaarsimammattigit. Nunatta Katersugaasivia Allagaateqarfiatali allagaatit imaaliinnarlutik tunniussinnaassanngilaat inatsimmi aalajangersagaqarmat atuisinnaanermut atatillugu ataqqineqartussanik. Taamaattumillu Nunatta Katersugaasivia Allagaateqarfiatalu allatut ajornartumik siunnersuutigineqartoq § 21 c naapertorlugu Datatilsynet akuerseqqusariaqassavaa allagaatit toqqortarineqartut tunniussinnaajumallugit

Allagaatillu toqqortaatigineqartut pisortanut toqqortassatut tunniussisuusimasunut nassiunneqarnerisigut paasissutissaatinut pineqartunut taanna akisussaasunngussaaq, aammalu pisortat taakkua tamatuma kingorna allagaatini paasissutissanik atuisinnaanermut akisussaasunngussalluni. Taamaasillunilu aalajangersagaq taanna Inunnut paasissutissanut inatsimmi § 31-mut naapertuuppoq, tassani aalajangersarneqarmat allagaatinut paasissutissaatinut akisussaasut taakkuusut aalajangiisartut.

Inunnut paasissutissanut peqqussummi § 31, imm. 2-mi aalajangersarneqarpoq allagaatinut paasissutissanut akisussaasuusooq sapinngisamik sukanerpaamik pisussaasoq paasissutissanik atuisinnaanermut saaffiginnissummut akissuteqarnissamut, saaffiginnissutillu tiguneqarneraniit sapaatip akunerisa sisamat ingerlaneranni akissuteqarfigineqanngippat paasissutissanut akisussaasuusup pineqartup tamatumunnga pissutaasoq pineqartumut nalunaarutigissavaa, kiisalu aamma qaqugu akissuteqartoqarnissaa naatsorsuutigineqarsinnaanersoq. Pisortat oqartussaasut suliamik suliaqarnerminni aalajangersagaq tamanna malittussaavaat. Pisortat pineqartut aalajangiinerat inunnut

paasissutissanut inatsimmi § 59, imm. 1 naapertorlugu Datatilsyn-imut naammagittaalliutigineqarsinnaavoq.

Pisortat pineqartut allagaatit toqqortaatigineqartussat Nunatta Katersugaasivianut Allagaateqarfianullu tunniuteqqippatigit, allagaatinut tunngasumik akisussaaffik Nunatta Katersugaasiviani Allagaateqarfianilu inissisimaleqqissaaq.

Pisuni allagaatit toqqortaaq tunniunneqareerneranni matuneqassappata Nunatta Katersugaasiviata Allagaateqarfialu allagaatinut akisussaasutut piumasaqaat isummerfigisussaavaa.

*Pisortatut oqartussaasut paasissutissiisussaaititaanerat*

Siunnersuummi § 1, nr. 9-mi aalajangersagaq nutaaq (§ 14 a) ilanngunneqassasoq siunnersuutigineqarpoq, taassuma aalajangersarpaa, pisortatut oqartussaasoq kinaluunniit siusinnerusukkut maannakkulluunniit pisortatut oqartussaasunit toqqortaatigineqarsimasunik tigusaqaruni pissarsiaqaruniluunniit, tamanna pillugu Nunatta Katersugaasivianut Allagaateqarfianullu ingerlaannartumik nalunaaruteqassasoq. Taamatuttaaq aalajangersarneqarpoq, toqqortaatit taama ittunik oqartussaasut neqeroorfigineqarunik imaluunniit toqqortaatit piunera pillugu arlaatigit ilisimasaqalerunik taamatuttaaq Nunatta Katersugaasivianut Allagaateqarfianullu tamanna pillugu ingerlaannartumik nalunaaruteqartassasut. Ingerlaannartumik nalunaaruteqarnerup pisarnissaanut tunngavilersuutigineqarpoq, atortut pigineqartut tunniunneqassanersut Nunatta Katersugaasivia Allagaateqarfialu pinasuartumik naliliinissaa pingaartuusoq taamaattoqassappallu atortut pigineqartut paarsarinqarnissaat siunertaralugu suliniutinik aallartitsisoqartariaqartoq.

Aalajangersakkami Nunatta Katersugaasiviata Allagaateqarfialu nalunaaruteqarneq aqputigalugu toqqortaatit tunniunneqassanersut naliliisinnaanissaa siunertarineqarpoq.

*Toqqortaatit tamanit pissarsiarineqarsinnaanngitsut pissarsiarineqarsinnaanerit*

Siunnersuummi § 1, nr. 10-mi aalajangersagaq nutaaq (§ 19 a) ilanngunneqassasoq siunnersuutigineqarpoq, tassani aalajangersarneqarpoq, toqqortaatit tamanit pissarsiarineqarsinnaanngitsut, pissarsiarineqarsinnaanerit pillugu ersarinnerusunik maleruagassanik Naalakkersuisut aalajangersaasinnaasut.

Aalajangersagaq taanna tunngavissaatillugu, toqqortaatit tamanit pissarsiarineqarsinnaanngitsunik pissarsinissamik qinnuteqaammut atatillugu assersuutigalugu paasissutissat suut tunniunneqartassanersut pillugu maleruagassanik Naalakkersuisut aalajangersaasinnaassapput. Matumani inunnik pineqarsinnaasunik killiliineq, oqartussaasumit tunniussisumit atsiukkamik akuersissummik piumasaqaat il.il. ilaatigit ilaasinnaapput.

*Pineqaatissiisinnaanermut aalajangersakkat*

Allanguutissatut siunnersuutigineqartut malitsigisaannik, pineqaatissiisinnaanermut aalajangersakkat malitseqartitsilluni iluarsineqarnissaat siunnersuutigineqarpoq, tamatumani ikkunneqarpoq pineqaatissiisarnermut aalajangersagaq, allagaateqarnermut inatsimmik aalajangersakkanut nutaanut atatillugu. Tassunga atatillugu aalajangersarneqarput iliuseqartoqarpoq § 21, imm. 2-mik unioqquitsinerit attartortitsineri atugassarititaasunik unioqquitsinerit akiliisitsinermik aamma kinguneqartinneqarsinnaasut. Tamatuma saniatigut toqqortaait pillugit inatsimmi § 5-imik, § 12, imm. 2-mik aamma § 14 a-mik unioqquitsinerit akiliisitsinermik kinguneqarsinnaapput.

<b>Siunnersuut inatsimmut atuuttumut sanilliullugu</b>	
<i>Oqaasertaliineq atuuttoq</i>	<i>Siunnersuut</i>
	<b>§ 1</b>  Allagaateqarfeqarneq pillugu Inatsisartut inatsisaat nr. 5, 3. juni 2015-imeersumi tulliuttut allanngortinneqarput:
<p><b>§ 1.</b> Inatsisartut inatsisaat Namminersorlutik Oqartussani Kalaallit Nunaannilu kommunini ingerlatsivinnut tamanut atuuppoq.</p> <p><i>Imm. 2.</i> Naalakkersuisut aalajangiisinnaapput Inatsisartut inatsisaannut sullissiveqarfinnut, ingerlatseqatigiiffinnut, peqatigiiffinnut il.il. erseqqinnerusumik taaneqartunut, pisortat ingerlatsiveqarfiisut naatsorsuunneqarsinnaanngitsunut tamakkiisumik ilaannakortumilluunniit atuutissasoq. Aatsaalli taamaattoqartassaaq sulinerminni aningaasartuutaat tamarmik amerlanersaalluunniit pisortanit akilerneqartarpata, imaluunniit inatsisikkut peqqussutikkulluunniit pisortat sinnerlugit aalajangiinissaminnut pisinnaatitaaffilerneqarsimappata.</p> <p><i>Imm. 3.</i> Oqartussaqaarfiit, sullissiveqarfiit, ingerlatseqatigiiffiit, peqatigiiffiit il.il. imm. 1-2-lu ilaatinneqartut tulliuttuni pisortat sullissiveqarfiisut taagorneqassapput.</p> <p><i>Imm. 4.</i> Pissutsit Inatsisartut aamma oqartussaaffeqarfiit suliffeqarfiillu tassunga atasut allagaateqarfiinut tunngasut pillugit maleruagassat Inatsisartut</p>	<p><b>1.</b> § 1, imm. 2 imatut oqaasertalerneqassaaq: "Naalakkersuisut malittarisassatigut aalajangersarsinnaavaat Inatsisartut inatsit tamakkerluni tamakkernaniluunniit atortuussasoq ingerlatseqatigiiffinnut, suliffeqarfinnut il.il. erseqqinnerusumik taaneqartunut pisortat ingerlatsinerannut naatsorsuunneqarsinnaanngitsunut. Aatsaalli taamaattoqartassaaq sulinerminni aningaasartuutaat tamarmik amerlanersaalluunniit pisortanit akilerneqartarpata, imaluunniit inatsisikkut peqqussutikkulluunniit pisortat sinnerlugit aalajangiinissaminnut pisinnaatitaaffilerneqarsimappata."</p>

<p>siulittaasoqarfiannit aalajangersarneqassapput Naalackersuisut isumaqatiginiareerlugit.</p> <p><i>Imm. 5.</i> Inatsisartut inatsisaanni kapitali 6, inunnit ataasiakkaanit aamma sullissiveqarfinnit, ingerlatseqatigiiffinnit, peqatigiiffinnit il.il. toqqortanut imm. 1-2-mi (namminerisamik toqqortat) ilaanngitsunut atuuppoq.</p>	
<p><b>§ 6.</b> Pisortat sullissiveqarfiutaasa toqqortaatimik, elektroniskimik toqqortat ilanngullugit, qaqugukkulluuniit Nunatta Katersugaasiviata Allagaateqarfiatalu akuerisaanik isumannaatsumik suliarineqarnissaat toqqortarineqarnissaallu isumagissavaat.</p> <p><i>Imm. 2.</i> Pisortat sullissiveqarfiutaasa toqqortatik pisortat sullissiveqarfiisa allat toqqortaataannit immikkoortissavaat.</p>	<p><b>2. § 6</b> ima oqaasertaqassaaq: ” <b>§ 6.</b> Pisortat sullissiveqarfiutaasa, toqqortaatimik qaqugukkulluuniit isumannaatsumik suliarineqarnissaat toqqortarineqarnissaallu isumagissavaat. Elektroniskimik toqqortat suliarineqassapput toqqorneqarlutillu Nunatta Katersugaasiviata Allagaateqarfiatalu atortulersuummi akuerisaani, taakkulu qarasaasiamut toqqorsiviusumut millisillugit nuunneqarsinnaassapput.</p> <p><i>Imm. 2.</i> Pisortat sullissiveqarfiutaasa toqqortaatimik pisortat sullissiveqarfiisa allat toqqortaataannit immikkoortissavaat, taamaattoq tak. imm. 3.</p> <p><i>Imm. 3.</i> Naalackersuisut aalajangersinnaavaat, Inatsisartut inatsisaat atsiukkat siullerpaat, Inatsisartut peqqussutaat, Namminersornerullutik Oqartussat aamma Namminersorlutik Oqartussat peqqussutaat kiisalu kommunit ileqqoreqqusaat, toqqorsiveqarfiup toqqagaani toqqorsivimmi toqqortaatigineqassasut.”</p>
<p><b>§ 8.</b> Naalackersuisut pisortat sullissiveqarfiutaasa toqqortaatimik suliarinnittarnerat toqqortarinnittarnerallu pillugit erseqqinnerusunik maleruagassiussapput. Kommunini ingerlatsiviit toqqortaatimik suliarinnittarnerat toqqortaqartarnerallu pillugit maleruagassat Kalaallit Nunaanni Kommunit Kattuffiannut, KANUKOKA-mut</p>	<p><b>3. § 8, oqaaseqatigiit aappaani</b> ima oqaasertaqassaaq: ”Kommunini ingerlatsiviit toqqortaatimik suliarinnittarnerat toqqortaqartarnerallu pillugit maleruagassat aamma kommunit isumaqatiginninniareernikkut aalajangersarneqassapput.”</p>

<p>isumaqatiginninniareernikkut aalajangersarneqassapput.</p>	
	<p><b>4. § 8-p</b> kingornanut ikkunneqassaaq: ” <b>§ 8 a.</b> Nunatta Katersugaasiviata Allagaateqarfiatalu pigisanik, Inunnut paasissutissanik suliarinnittarneq pillugu inatsisip Kalaallit Nunaannut atuutilersinneqarnera pillugu peqqussummut ilaasunik, toqqortarinnittarnera pillugu ersarinnerusunik maleruagassanik, Datatilsyn-imit oqaaseqaammik pissarsinerup kingorna, Naalakkersuisut aalajangersaasinnaapput.”</p>
<p><b>§ 10.</b> Naalakkersuisut toqqorsiveqarnermut allakkanillu nalunaarsuiffeqarnermut pilersaarutit pillugit maleruagassat erseqqinnerusut, Nunatta Katersugaasiviata Allagaateqarfiatalu tamatuminnga inassuteqarneratigut aalajangersassavaat. Aamma kommunini ingerlatsiviit toqqorsiveqarnermut allakkanillu nalunaarsuiffeqarnermut pilersaarutitik suliaqartarnissaat pillugu maleruagassat Kalaallit Nunaanni Kommunit Kattuffiannut, KANUKOKA-mut isumaqatiginninniareernikkut aalajangersarneqassapput.</p>	<p><b>5. § 10 oqaaseqatigiit aappaat</b> ima oqaasertaqassaaq: ”Kommunini ingerlatsiviit toqqorsiveqarnermut allakkanillu nalunaarsuiffeqarnermut pilersaarutitik suliaqartarnissaat pillugu maleruagassat aamma kommuninut isumaqatiginninniareernikkut aalajangersarneqassapput.”</p>
<p><b>§ 12.</b> Toqqortaait ukiunit 15-init pisoqaanerusut pisortallu sullissiveqarfiutaata sulinerani atortussaajunnaartut, kinguarsarnertaqaangitsumik Nunatta Katersugaasivianut Allagaateqarfianullu tunniunneqassapput. Pisuni immikkut ittuni aamma Nunatta Katersugaasivianut Allagaateqarfianullu isumaqatigiissuteqarnikkut tunniussineq piffissami allami pisinnaavoq. <i>Imm. 2.</i> Tunniussinissap tungaanut pisortat sullissiveqarfiutaat toqqortaatinik toqqortarinninnissaminut pisussaapput. <i>Imm. 3.</i> Pisortat sullissiveqarfiutaat atortussaajunnaarsinneqarpat taassuma</p>	<p><b>6. § 12, imm. 1</b> ima oqaasertaqassaaq: "Toqqortaait ukiunit 15-init pisoqaanerusut pisortallu sullissiveqarfiutaata sulinerani atortussaajunnaartut, kinguarsarnertaqaangitsumik Nunatta Katersugaasivianut Allagaateqarfianullu tunniunneqassapput. Pisuni immikkut ittuni aamma Nunatta Katersugaasivianut Allagaateqarfianullu isumaqatigiissuteqarnikkut tunniussineq piffissami allami pisinnaavoq. Piffissami allami tunniussisoqassappat tamanna Nunatta Katersugaasivianit Allagaateqarfianiillu qinnuiginninneq malillugu pissaaq.”</p>

<p>toqqortaataasa pisoqaassusaat apeqqaatinnagu tunniunneqartassapput, pisortat sullissiveqarfiutaannit allamit suliassaqarfimmik tiguisissusamit atorneqassanngikkunik, tak. § 7.</p>	
<p><b>§ 13.</b> Toqqortat tunniunneqarnerminni torersarneqarsimassapput, poortorneqarsimallutik, nalunaaqutserneqarlutik qulequtsersorneqarsimassallutillu aammalu suliat ataasiakkaat pisariaqanngitsortaat peerneqarsimassallutik. <i>Imm. 2.</i> Naalakkersuisut toqqortat tunniunneqartarnerat, matumani aamma toqqortat elektroniskiusumik toqqortaasut tunniunneqartarnerat pillugu maleruagassat erseqqinnerusut, Nunatta Katersugaasiviata Allagaateqarfiatalu tamatuminnaga inassuteqarneratigut aalajangersarsinnaavaat. <i>Imm. 3.</i> Pisortat sullissiveqarfiutaat tunniussisoq tunniussinermi anigaasartuutunik tamanik akiliissaaq.</p>	<p><b>7. § 13, imm. 2</b> ima oqaasertaqassaaq: ” <i>Imm. 2.</i> ”Nunatta Katersugaasiviata Allagaateqarfiatalu inassuteqarnerata aamma Datatilsyn-imit oqaaseqaammik pissarsinerup kingorna, matumani elektroniskimik toqqortat ilanngullugit, Inunnut paasissutissanik suliarinnittarneq pillugu inatsisip Kalaallit Nunaannut atuutilersinneqarnera pillugu peqqussummut ilaasunik toqqorneqartussanillu, toqqorneqartussanik tiguisarneq pillugu ersarinnerusunik maleruagassanik Naalakkersuisut aalajangersaasinnaapput.”</p>
<p><b>§ 14.</b> Pisortat sullissiveqarfiutaat toqqortaatinik nammineq tunniussaminik sulinermut atugassaminik attartorsinnaavoq.</p>	<p><b>8. § 14</b> imatut oqaasertalerneqassaaq: ” <b>§ 14.</b> Pisortat sullissiveqarfiutaat toqqortaatinik nammineq tunniussaminik sulinermut atugassaminik attartorsinnaavoq, taamaattoq tak. § 21 c.”</p>
	<p><b>9. § 14-ip</b> kingornatigut ikkunneqassaaq: ” <b>§ 14 a.</b> Pisortatut oqartussaasoq kinaluunniit siusinnerusukkut maannakkulluunniit pisortatut oqartussaasunit toqqortaatigineqarsimasunik tigusaqaruni pissarsiaqaruniluunniit, tamanna pillugu Nunatta Katersugaasivianut Allagaateqarfianullu ingerlaannartumik nalunaaruteqassaaq. Toqqortaatinik taama ittunik oqartussaasut neqeroorfigineqarunik imaluunniit toqqortaatiip piunera pillugu arlaatigut ilisimasaqalerunik taamatuttaaq Nunatta Katersugaasivianut Allagaateqarfianullu tamanna pillugu ingerlaannartumik nalunaaruteqassapput.”</p>

	<p><b>10.</b> § 19-ip kingorna ilanngunneqassaaq: ” § 19 a. Toqqortaait tamanit pissarsiarineqarsinnaanngitsut, pissarsiarineqarsinnaanerat pillugu ersarinnerusunik maleruagassanik Naalakkersuisut aalajangersaasinnaapput”.</p>
<p><b>§ 21.</b> Toqqortat §§-ini 15-imiit 18-imut maleruagassat naapertorlugit pissarsiarineqarsinnaasut Nunatta Katersugaasiviani Allagaateqarfianilu atorneqarsinnaapput, taanna atuinermut ikiorsiullugu. <i>Imm. 2.</i> Ilisimatusarnermut atugassaattillugit Nunatta Katersugaasiviata Allagaateqarfiatalu toqqortat atuagaateqarfinnut, katersugaasivinnut akuerisanut aamma sullissiveqarfinnut tamakku assinganut atukkiunneqarsinnaanerat akuersissutigisinnaavaa.</p>	<p><b>11.</b> § 21, <i>imm. 2-mi</i>, oqaaseqatigiit aappaatut ilanngunneqassaaq: "Nunatta Katersugaasivia Allagaateqarfialu atukkiussinermut atasumik piunasaqaateqarsinnaavoq."</p>
	<p><b>12.</b> § 21-p kingorna ivertinneqassaaq: ” § 21 a. Nunatta Katersugaasiviata Allagaateqarfiatalu pisuni aalajangersimasuni allagaatinik, toqqortanik ataasiakkaanik imaluunniit toqqortanik eqimattanik, Nunatta Katersugaasivianut Allagaateqarfianullu tunniunneqarsimasunik, atuinissamut akuersissuteqarneq nalunaarutigisinnaavaa, pissarsisinnaanermut killiliussat naanissaat sioqqullugu, taamaattoq tak. § 21 b aamma c.</p> <p>§ 21 b. § 21 a malillugu akuersissut, oqartussaasup tunniussisup akuersineranik piunasaqaateqarpoq, imaassimappat</p> <ol style="list-style-type: none"> <li>1) allagaatigineqartup imaluunniit toqqortaatigineqartup pissarsiarineqarsinnaaneranut piffissaliussaq § 17 malillugu aalajangersarneqartumit siviluneruppat,</li> <li>2) toqqortaatigineqartoq imaluunniit allagaatigineqartoq ukiunik 25-nik nutaaneruppat imaluunniit</li> <li>3) toqqortaatigineqartoq naalagaaffimmi oqartussaasumit pissarsiarineqarsimappat, tak. § 18.</li> </ol>

	<p>§ 21 c. § 21 a malillugu akuersissut Datatilsyn-imiit akuersissummik pisariaqartitsivoq, toqqortatigineqartoq pisortat ingerlatsiviisa akornanni oqartussaasumit tunniunneqarsimappat aamma inunnut ataasiakkaanut inuttut atugaannut tunngasunik paasissutissanik imaqarsimappat aamma</p> <p>1) paasissutissat siusinnerusukkut suliarineqarsimasut Inunnik paasissutissanik suliarinnittarneq pillugu inatsisip Kalaallit Nunaanni atuutilersinneqarnera pillugu peqqussummut ilaasimappata imaluunniit</p> <p>2) paasissutissat qarasaasiakkut-nalunaarsuiffimmit pissarsiarineqarsimappata, pisortat ingerlatsineranni suliarineqarsimasut.”</p>
	<p>13. § 22-p kingorna ivertinneqassaaq: ” § 22 a. Paasissutissanik, Inunnik paasissutissanik suliarinnittarneq pillugu inatsisip Kalaallit Nunaanni atuutilersinneqarnera pillugu peqqussummut ilaasunik, atornerinut piumasaqaatit pillugit maleruagassanik, Datatilsyn-imit oqaaseqaammik pissarsinerup kingorna, Naalakkersuisut aalajangersaasinnaapput.”</p>
	<p>14. § 26-p kingornanut ilanngunneqassaaq: ” <b>Kapitali 6 a.</b></p> <p><i>Paasissutissanik paasitinneqarnissamik qinnuteqaat, Inunnut paasissutissanik suliarinnittarneq pillugu inatsisip Kalaallit Nunaannut atuutilersinneqarnera pillugu peqqussummut ilaasoq</i></p> <p>§ 26 a. Paasissutissat Inunnut paasissutissanik suliarinnittarneq pillugu inatsisip Kalaallit Nunaannut atuutilersinneqarnera pillugu peqqussummut ilaasut, Nunatta Katersugaasiviani Allagaateqarfianilu</p>

	<p>toqqortaatigineqartussatut nuunneqarsimasut, pillugit paasissutissanik pissarsitinneqarnissaq pillugu inuk kinaluunniit Nunatta Katersugaasivianut Allagaateqarfianullu qinnuteqaammik saqqummiussisinnaavoq.</p> <p><i>Imm. 2.</i> Imm. 1 malillugu qinnuteqaatip, paasissutissanik taakkuninnga suliarinneqqartuusimasoq, oqartussaasoq nalunaassavaa.</p> <p><i>Imm. 3.</i> Paasitinneqarnissaq pillugu qinnuteqaat tamanna pillugu Inunnut paasissutissanik suliarinnittarneq pillugu inatsisip Kalaallit Nunaannut atuutilersinneqarnera pillugu peqqussummi aalajangersakkat malillugit oqartussaasumut pineqartumut aalajangiisussamut, Nunatta Katersugaasiviata Allagaateqarfiatalu ingerlateqqissavaa.</p> <p><i>Imm. 4.</i> Nunatta Katersugaasivianut Allagaateqarfianullu tunniunneqarsimasunik inuit namminneerlutik toqqortaataannik paasitinneqarnissaq pillugu qinnuteqartoqartillugu, Inunnut paasissutissanik suliarinnittarneq pillugu inatsisip Kalaallit Nunaannut atuutilersinneqarnera pillugu peqqussummut ilaasunik, peqqussummi aalajangersakkat malillugit tamanna pillugu toqqortaasivik aalajangiisaaq. Qinnuteqaatip paasissutissanut akisussaasuusoq, paasissutissanik pineqartunik suliarinneqqaartuusooq, nalunaassavaa.”</p>
<p><b>§ 27.</b> §§-inik 6-imit 7-imut, § 9, imm. 2-mik, § 11, imm. 2-mik, § 12, imm. 1-imik 3-millu, § 13, imm. 1-imik, § 22-mik aamma § 26-mik unioqutitsineq malinninnginnerluunniit akiliisitsissutaasinnaavoq.</p> <p><i>Imm. 2.</i> Aalajangersakkanik unioqutitsisoqartillugu akiliisitsisarnissaq pillugu maleruagassat maleruagqusani Inatsisartut inatsisaat naapertorlugu</p>	<p><b>15.</b> § 27, <i>imm. 1</i> ima oqaasertaqassaaq: ” § 5-imik, § 6, imm. 1 aamma 2, § 7-imik, § 9, imm. 2-mik, § 11, imm. 2-mik, § 12-imik, § 13, imm. 1-imik, § 14 a-mik, § 22-mik aamma § 26-mik aamma § 21, imm. 2 naapertorlugu piumasaqaatinik aalajangersarneqarsimasunik unioqutitsineq, Kalaallit Nunaanni pinerluttulerinermut inatsimmi maleruagassat malillugit</p>

<p>atuutilersinneqartuni aalajangersarneqarsinnaapput.  <i>Imm. 3.</i> Akiliisitsinissaq Inatsisartut inatsisaatigut maleruaqqusaniluunniit Inatsisartut inatsisaat naapertorlugu atuutilersinneqartutigut tunngavissaqarpat, inatsisit naapertorlugit inatsisitigut pisussaatitaasoq Kalaallit Nunaanni pinerluttulerinermik inatsimmi maleruagassat naapertorlugit akiliisitsissummik akileeqquneqarsinnaavoq.  <i>Imm. 4.</i> Inatsisartut inatsisaat una malillugu akiliisitsinermik pineqaatissiissutit Nunatta Karsianut pisassanngortinneqassapput.</p>	<p>akiliisitsinermik kinguneqartinneqarsinnaavoq.”</p>
	<p style="text-align: center;"><b>§ 2</b></p> <p>Inatsisartut inatsisaat manna ulloq 1. januar 2020-mi atuutilerpoq.  <i>Imm. 2.</i> Inatsisartut inatsisaat toqqortaatinut, Inatsisartut inatsisaata atuutilernera sioqqullugu oqartussaasup naammassisimasaanut imaluunniit pissarsiarisimasaanut aamma atuuppoq.</p>

### 3. Aningaasarsiornikkut allaffissornikkullu pisortanut kingunerisassat

Siunnersuut inuiaqatigiinnut aningaasaqarnikkut kinguneqarnissaa naatsorsuutigineqarpoq.

Siunnersuut pisortanut allaffissornikkut kinguneqarnissaa naatsorsuutigineqarpoq.

Siunnersuummi § 6, imm. 3 malillugu Naalakkersuisut aalajangiissagaluarpata, allagaatit aalajangersakkamut ilaasut toqqorsiveqarfinni suliarineqarfigisaminni ilaasinnaajunnaassapput. Taamaattumik Namminersorlutik Oqartussat kommunillu allagaatinik tamanik katersisassapput taakkulu toqqortarinninnissamut akisussaatinneqartumut toqqorsiveqarfirmut aalajangersakkamut ilaasumut tunniussisassallutik, Nunatta Katersugaasivianut Allagaateqarfianullu tunniussinissap pinissaata tungaanut.

Siunnersuummi nalunaartussaataaneq pillugu aalajangersakkap nassatarissavaa, pisortatut oqartussaasut pisut aalajangersakkami taaneqartut pillugit Nunatta Katersugaasivianut Allagaateqarfianullu ingerlaannartumik nalunaaruteqartussaaneermik pisussaatitaanerat.

Siunnersuutip erseqqissarpaa, oqartussaasunut tunniussisuusunut pisussaaffiusup nassatarisaanik, toqqortaait tunniunneqarnissaminnut piareerneqarsimasut, kinguarsaanertaqanngitsumik toqqortaait piffissap qanoq ilinerani tunniunneqassanersut.

#### **4. Aningaasat tungaasigut allaffissornikullu inuussutissarsiutinik ingerlatsisunut sunniutissai.**

Siunnersuut inuussutissarsiortunut aningaasaqarnikkut allaffissornikkullu sunniuteqartussatut ilimagineqanngilaq.

#### **5. Avatangiisinut, pinngortitamut inuillu peqqissusaannut kingunerisassat**

Siunnersuut avatangiisinut, pinngortitamut imaluunniit inuit peqqissusiannut sunniuteqassasoq naatsorsuutigineqanngilaq.

#### **6. Innuttaasunut kingunerisassat**

Toqqortaait pillugit inatsimmut pisortat suliffeqarfiutaat sorliit ilaanersut pillugit ilisimasaqarnerulernermik siunnersuut pilersitsissasoq naatsorsuutigineqarpoq.

Tamatuma saniatigut toqqortaait pillugit inatsisip aamma inuit pillugit paasisutissanut maleruagassat akornanni ataqatigiinneq pillugu ersarinnerusumik paasisimasaqalernissamik siunnersuut pilersitsissasoq naatsorsuutigineqarpoq.

Taamatuttaaq toqqortaatinik tamanit pissarsiarineqarsinnaanngitsunik tunniussinissami pissutsit suut aamma tungavissaatitaasut sorliit atuunnersut pillugit periarfissanik pitsaanerusunik aamma paasisimasaqalernermik siunnersuut pilersitsissasoq naatsorsuutigineqarpoq.

#### **7. Kinguneqaatit annertuut allat:**

Siunnersuut allanik pingaaruteqartunik kinguneqartussatut naatsorsuutigineqanngilaq.

#### **8. Oqartussaasut kattuffiillu il.il. tusarniaavigineqarnerat**

Siunnersuut Naalakkersuisut tusarniaanermut nittartagaatigut tamanut saqqummiunneqarsimavoq tusarniaaffigisassanullu piffissami 2. april 2019-imiit 6. maj 2019-imut ukununga tusarniaassutigalugu nassiunneqarsimalluni:

Naalakkersuisut Siulittaasuata Naalakkersuisoqarfia, Pinngortitamut, Avatangiisinut Iisimatusarnermullu Naalakkersuisoqarfik, Aningaasaqarnermut Nunanilu Avannarlerni Suleqatigiinnermut Naalakkersuisoqarfik, Ineqarnermut Attaveqatigiinnermullu Naalakkersuisoqarfik, Nunanut Allanut Naalakkersuisoqarfik, Aalisarnermut, Piniarnermut Nunalerinnermullu Naalakkersuisoqarfik, Peqqissutsimut Naalakkersuisoqarfik, Isumaginninnermut Inatsisinillu Atortitsinnermut Naalakkersuisoqarfik, Inuussutissarsiuteqarnermut Nukissiuuteqarnermullu Naalakkersuisoqarfik, Aatsitassanut Suliffeqarnermullu Naalakkersuisoqarfik, Avannaata Kommunia, Kommune Qeqertalik, Kommuneqarfik Sermersooq, Kommune Kujalleq, Nunatta Isiginnaartitsisarfia, Kalaallit

Isiginnaartitsisartut Peqatigiit, Atuakkiortut Peqatigiiffiat, Kalaallit Eqqumiitsuliortut Kattuffiat, Sulisitsisut, Nunatta Katersugaasivia Allagaateqarfialu, Nunaqarfimmiut Peqatigiiffiat, Ilisimatusarfik, Kalaallit Nunaanni Atuagaateqarfik, NAPA, Katuaq, Taseralik, Eqqumiitsuliornikkut Pinngorartitsisut Ingerlatsisullu, Kalaallit Nunaata Radioa, Nunatsinni Tusagassiuutilerisut Kattuffittaavata, Biskop-eqarfik, Nunaqavissut Suliffiutillit Kattuffiat, Kalaallit Nunaani Aalisartut Piniartullu Kattuffiat, Sulinermik Inuussutissarsiateqartut Kattuffiat aamma Datatilsynet.

Tusarniaanermi akissutinik tigusaqartoqarpoq Aalisarnermut Piniarnermullu Naalackersuisoqarfimmit, Isumaginninnermut Inatsisinillu Atortitsinnermut Naalackersuisoqarfimmit, Qeqqata Kommunianit, Aatsitassanut Suliffeqarnermullu Naalackersuisoqarfimmit, Sulisitsisunit, Nunatta Isiginnaartitsisarfanit, Kommuneqarfik Sermersooq, Nunatta Atuagaateqarfia, Datatilsynet, Aningaasaqarnermut Naalackersuisoqarfimmit, Nunatta Katersugaasivia Allagaateqarfialu aamma Eqqumiitsuliornikkut Pinngorartitsisut Ingerlatsisullu.

Tusarniaanermi akissutaasut siunnersuummi ataasiakkaatigut allannguinnissamut pissutaasimapput, oqaaseqaatinilu aamma erseqqissaatinut ilassutinullu ataasiakkaanut tunngaviusimallutik.

Tusarniaanermi akissutaasut siunnersuummi Datatilsynet, - akissutaasut tunngavigalugit aalajangersakkanik nutaanik ilassusiinnermut tunngaviusimapput, periarfissat eqqarsaatigalugit Nunatta Katersugaasiviata Allagaateqarfialu pisuni aalajangersimasuni pappialaatinik, arkivini toqqortaatinik aamma toqqortaatinik ataatsimoortunik, Nunatta Katersugaasivianut Allagaateqarfianullu tunniunneqarsimasunik atuisinnaanermik akuersissuteqarsinnaaneranut periarfissaqartitsilerput, atuisinnaanermut piffissaliussap naannginnerani pisinnaasunut tunngatillugu. Taakkua ilanngunneqarput §§ 21 a – 21 c -mi siunnersuummi § 1, nr. 12-imi nutaami. Kiisalu tamatumunnga atatillugu siunnersuutigineqarpoq Inatsisartut inatsisaanni maanna atuuttuusumi § 14-imik allannguisoqarnissaa, pisortat ingerlatsiviisa periarfissaat allagaatit toqqortarineqartussat tunniunneqareersimasullu sulianut atatillugu “angerlaateqqikkallarneqarsinnaaneri” eqqarsaatigalugit, taamalu aalajangersakkami innersuussisoqarluni § 21 c-mut. Tamanna pivoq erseqqissarumallugu allagaatit toqqortaatigineqartut pineqartillugit inuit ataasiakkaat namminneq privaaticimik inuunerannut tunngasut taamaattuni Datatilsyn-imut akuersissummik piniartoqaqqaartussaasoq angerlaallugit allagaatit atorneqannginnerini.

Tusarniaavigineqartut oqaaseqaataat isummersuutaallu uani ataani skemami takuneqarsinnaapput.

<b>Nr.</b>	<b>Tusarniaavigineqartut</b>	<b>Oqaaseqaatit</b>	<b>Oqaaseqaatinut isummiussat</b>
<b>1.</b>	Aalisarnermut Piniarnermullu Naalackersuisoqarfik	Siunnersuummut oqaaseqaateqanngilaq.	Siunnersuummik allannguinnissamut tunngavisiinngilaq.

2.	Isumaginninnermut inatsisinillu atortitsinnermut Naalakkersuisoqarfik	Siunnersuummut oqaaseqaateqanngilaq.	Siunnersuummik allannguissamat tunngavissiinngilaq.
3.	Qeqqata Kommunia	Siunnersuummut oqaaseqaateqanngilaq.	Siunnersuummik allannguissamat tunngavissiinngilaq.
4	Aatsitassanut Suliffeqarnermullu Naalakkersuisoqarfik	Siunnersuummut oqaaseqaateqanngilaq.	Siunnersuummik allannguissamat tunngavissiinngilaq.
5	Sulisitsisut	Siunnersuummut oqaaseqaateqanngilaq.	Siunnersuummik allannguissamat tunngavissiinngilaq.
6	Nunatta Isiginnaartitsisarfia	Siunnersuummut oqaaseqaateqanngilaq.	Siunnersuummik allannguissamat tunngavissiinngilaq.
7	Kommuneqarfik Sermersooq	Siunnersuummut oqaaseqaateqanngilaq.	Siunnersuummik allannguissamat tunngavissiinngilaq.
8	Nunatta Atuagaateqarfia	Siunnersuummut oqaaseqaateqanngilaq.	Siunnersuummik allannguissamat tunngavissiinngilaq.
9.1	Datatilysnet	Siunnersuutigineqartumi § 22 ami ersippoq Naalakkersuisut Datatilsyn-imik oqaaseqartitsireerermi maleruagassiorsinnaasut, inuit pillugit paasissutissanut atugassarititaasut pillugit. Pisinnaatitsissutip tamatuma qanoq annertussuseqarnera Datatilsyn-ip isumaa naapertorlugu nalornissutigineqarsinnaavoq. Datatilsynet tamatumunnga atatillugu inassutigissavaa erseqqissaasiortoqassasoq aalajangersagaq taamaallaat aalajangersakkami pineqarnersoq allagaatinik ta-manut takusassiarineqarsimanngi-tsunut tunngatinneqarnersoq, tak. aamma inatsimmi § 22, imaluunniit pisinnaatitsisummi ilanngullugit pineqarnermut allagaatit takuneqarsinnaasut inatsimmi malittarisassat §§-ini	Siunnersuummik allannguissamat tunngavissiinngilaq.  Aalajangersagaq aallaavit-tut atuuppoq takuneqarsinnaasuni aamma takuneqarsinnaanngitsunut allagaatinut toqqortaatinut, aalajangersagaq immikkoortumi atuinernut tunngasumi inissisimammat, taamalu takuneqarsinnaasut aamma takuneqarsinnaanngitsut pineqarlutik.  Kisianni allagaatit pineqartut takuneqarsinnaap-pata inatsisitigut isummer-toqareersimassaaq illersuinissamik isiginiagassaqanngitooq, taamaattu-millu aalajangersakkami

		15-18-imiittut naapertorlugit.	taamaallaat pineqassallutik allagaatit takuneqarsinnaanngitsut.
9.2		<p>Datatsyn-ip ilanngullugu oqaatigaa danskit allagaateqarnermut inatsisaanni § 34-mi ersittoq akuersissutit allagaatinik toqqortarinerqartunik atuisinnaanermut paasissutissanik illersuinnermut inatsimmi aamma peqqussummi, imaluunniit siusinnerusukkut inunnut paasissutissanut inatsimmi, - piumasarineqartoq</p> <p>Datatsyn-imit akuersissuteqar-nissanut. Datatsyn-ip maluginiarpa inatsisissatut siunnersuut manna taamaattumik aalajangersagartaqanngimmat.</p>	<p>Pissutissaqartitsivoq siunnersuummi allannguinsamat.</p> <p>Siunnersuummi § 1, nr. 12-imi aammalu 21 a-mi ilassutigineqarpoq aalajangersagaq danskit allagaateqarnermut inatsisaanni § 34-p assigisaa. § 34 innersuussivoq danskit allagaateqarnermut inatsisaanni § 31-mut, tassanilu innersuussisoqarluni §§-inut 33-35. Taamaattumik nalilersuisoqarsimavoq qanoq annertutigisumik aalajangersakkat taakkua assigisaat ilanngunneqassanersut. Tamatum kinguneraa aamma ilanngunneqarmata aalajangersakkat kalaallini pissutsinut naleqqussaasut, allagaateqarnermut danskit inatsisaanni §§-ini 31, 33 aamma 35-mi aalajangersakkat. Taakkua siunnersuummi § 1, nr. 12 taamatullu § 21 b aamma 21 c-mi ilaapput.</p> <p>Ilanngullugu § 1, nr. 8-tut nutaatut ilanngunneqarpoq allanngorlugu oqaasertaligaasumik Inatsisartut inatsisaanni atuuttumi § 14, imaalillugu § 21 c-mut innersuussisunngorlugu.</p> <p>Kiisalu innersuunneqasapput oqaaseqaatit nalinginnaasunik oqaaseqaatiniittut.</p>
9.3		Datatsyn-ip ilanngulluguttaaq	Siunnersuummik allan-

		<p>maluginiarpaa § 20, imm. 1-imi inatsimmi atuuttumi pisinnaatsineq immikkut akuersissuteqarsinnaanermut qaqugu tikillugu allagaatit takuneqarsinnaanerannut killiliussaniit, inatsimmi §§ 15-17-imiit, allagaateqarfik ilisimatusarnermut atatillugu atorneqartussaatilugit.</p> <p>Datatsyn-ip maluginiarpaa tamatumunnga atatillugu inunnut paasissutissanut inatsimmi § 10-p kingunerimmagu inunnut tunngasunik paasissutissanut immikkut piumasaqaateqarmat, kisitsisinik paasissutissanik imaluunniit ilisimatusarnermut tunngasunik suliaqarnermut inuiaqatigiinni immikkut pingaarutilinnut atatillugu.</p> <p>Datatsyn-illu ilanngulluguttaaq aamma oqaatigaa inunnut paasissutissanut inatsisip § 56-iata kingunerimmagu nalunaarutininik, kaajallaasitanik assigisaannilluunniit suliaqarnerni inuit namminneq inuunerannik illersuiniarnermut atatillugu, paasissutissanik suliaqarnerni pisussaaffiummat Datatsyn-imiit oqaaseqaateqar-titsisarneq. Datatsyn-ip taamaa-silluni naatsorsuutigisarpaa tusarniarneqarnissi siunissami malittarisassaalerumaartunik suliaqarnerni, inatsimmik tunngaveqartunik malittarisassianut atatillugu, inunnut tunngasunik paasissutissanut pineqartutut attuumassutilinni.</p>	<p>nguinnessamut tunngavis-siinngilaq.</p> <p>Oqaatigineqassaaq allagaateqarfeqarneq pillugu inatsimmi atuuttumi § 20, imm. 1-imi ataatsimut isigisumik ilaammata aalajangersakkat allaagaa-tinut ilisimatusarnermi atorneqartartunut tunngasut.</p> <p>Allagaatini pineqartuni inunnut tunngasunik paasissutissat ilaappata, taava inunnut tunngasunik paasissutissanut malittarisassat inunnut tunngasunik paasissutissanut inatsimmiittut ilutigisaanik isigiarneqartussaapput.</p> <p>Pineqarpatalu inummut tunngasunik paasissutissat § 7, imm. 1 aamma 8-mi pineqartutut ittut inunnut paasissutissanut inatsimmi aalajangersarneqartut § 10-milu innersuunneqartut, taamaattuni pineqarsimassapput paasissutissat inummut tunngasut malussajasutut taaneqarsinnaasut. Taamaattut aallaavittut § 7, imm. 1 aamma § 8 naapertorlugit aallaavittut suliarineqarsinnaanngillat.</p> <p>Kisianni Inunnut paasissutissanut inatsimmi § 10 aalajangersaavoq paasissutissat taamaattut malussajasut suliarineqarsinnaasut, taman-na taamaallaat pippat kisitsisinik paasissutissanik suliaqarnermut atatillugu, imaluunniit ilisimatusarnermi misissuinerneqartut atatillugu</p>
--	--	--	---

			<p>inuiaqatigiinni immikkut pingaaruteqartunik, aamma paasissutissanik atuineq pi-sariaqarpat misissuinnermut atasumik. Taamaasilluni maluginiarneqassaaq taamaallaat pineqartut kisitsisinik paasissutissanik suliaqarnerit pitsaassusilersukkat, imaluunniit ilisimatuisarnikkut suliat atuisinnaamut akuersissutip pineqartup atuuffigisinnaasaa.</p> <p>Nalunaarutini, kaajallaasitanik assigisaannilluunniit malittarisassioerni, inuit inuttut inuunerannik illersuinnermut attuumassuteqar-tuni paasissutissanik atui-nermi Datatilsyn-imiit oqaaseqartitsisoqartassaaq.</p>
<b>10</b>	Aningaasaqarnermut Naalakkersuisoqarfik	Inatsisissatut siunnersuummut oqaaseqaatini erseqqissarneqasapput aningaasartuutissanut missingersuutit, allaffissornikkut suliat kivinnekarsinnaasut aningaasaliissutaasut iluanni.	<p>Siunnersuummi allanguinissamut pissutissaqartitsisoqanngilaq, kisiannili siunnersuummut oqaaseqaatini naleqqussaanissaq.</p> <p>Oqaaseqaatini immikkoortumi pisortanut aningaasaqarnikkut allaffissornikkullu siunnersuutip pisortanut kingunerisassai pillugit erseqqissarneqarpoq siunnersuut aningaasaqarnikkut pisortanut kinguneqartussaangitsoq.</p>
<b>11.1</b>	Nunatta Katersugaasivia Allagaateqarfialu	<p>Nunatta Katersugaasivia Allagaateqarfialu imaattunik oqaaseqaateqassaaq apeqquteqarlunilu allannguutissatut siunnersuutaasunut:</p> <p><i>§26 a. Paasissutissanik piniarsinnaanermik piumasaqarsinnaanermut atatillugu ilaasunik Peqqussummi inunnut paasissutissanik suliaqarnermut inatsimmik Kalaallit Nunaanni atortuulersitsinnermut tunnga-</i></p>	Siunnersuummi allanguinissamik pissutissaqartitsingilaq, kisiannili pissutissaqartitsisimalluni itisilerutaasunik oqaaseqaateqarnissamut, nalinginnaasunik oqaaseqaatini, tassungaluni innersuussisoqassaaq.

		<p><i>tillugu.</i></p> <p>Ataatsimut: Ajornartorsiutinik takusaqanngilagut, paragraffimi periaasiusussatut nalunaarneqartumut atatillugu, aamma taassuma imm. 2 aamma 3-anut, tassani allaaserineqarmata apeqqusiinerup saniatigut paasissutissanut allagaateqarfimmut tunniunneqartunut kina akisussaannersoq, pisortat tunniussisut imaluunniit allagaateqarfik (NKA).</p> <p>Allagaateqarfik paasissutissanut akisussaasuuppat tunniunneqareerneranni, taava allagaateqarfik pisussaaffilerneqassaaq akisussaasutut paasissutissinissamut, inunmut paasissutissanut malittarisassanut taamaallaat tunngasuniunngitsoq, inatsisillu allat tunngavigalugit (allagaateqarfeqarnermut inatsisip saniatigut)?. Tamatuma allagaateqarfiup suliassai pisarissersussavai, atuisinnaanermut qinnuteqaatinut tunngatillugu inatsisinik allanik tunngaveqartumik allagaateqarfinnut inatsisip avataaniittunut.</p> <p>Paarlattuanili, allagaateqarfiup paasissutissanut akisussaaffingisaani, paasissutissanillu suliaqarfigisaani, pisariaqartassaaq pisuni ataasiakkaani paasissutissanut isumaqatigiissusior-tarnissanut, pisortanut allagaatinik tunniussisunut inuinnar-nullu tunngatillugu? Taamaapat tamatuma NKA-mut tunniussisarneq pisariunerulersis-savaa annertuumik, - pisortanut tunniussisunut namminernut allagaateqarfimmullu. Apeqqut taanna qulaartariaqarpoq aamma kingunerisassai, allagaateqarfiup</p>	
--	--	--	--

		<p>suliassaanut atatillugu, tamatumami atuisinnaanermut qinnuteqaatinut atasumik, ersarissaasoqarlualunilu.</p> <p>Kiisalu aamma maluginiarpar-put <u>imm. 2 aamma imm. 4</u> nalunaartut nalunaarsortitup nalunaassagai pisortat / allagaateqarfiliorsimasut nalunaarsuisut, naapertuutinngitsoq inunnut paasissutissanut inatsimmi § 31-mut. Inunnut paasissutissanut peqqussutip oqaasertalersornera suliaavoq pisortanut pissutsit atuuttut naapertorlugit ataasiinarmik toqqorsiveqartunut, pisortat ataatsimut toqqorsiviginngisaannik allagaateqarfit-tarpassualik.</p> <p>Taamaattumik pisariaqarpoq immikkut sanioqqutsisinnaaneq paasissutissinneqarsinnaanermi, qinnuteqarnermi paasisaqarsinnaajumalluni nalunaarsuk-kani kissaatigisani.</p>	
11.2		<p><u>Immikkut § 26 a, imm. 4-mut.</u> Imm. 4-mi titarnermi kingullermi nalunaarneqarpoq illuatungiusoq tunniussisoq, “paasissutissaatinut akisussaasutut”.</p> <p>Piffissami matumani kikkut tamarmik, ataasiakkaat eqqaas-sanngikkaanni allagaateqarfiit NKA-miittut inunnut paasissutissanut peqqussummi pineqartut paasisaqarsinnaanermut aalajangersagaata avataaniitinneqarput, peqqussutip kapitaliini 8 aamma 9-mi, allagaatinik toqqorsiviit qarasaasiatigoortuunngitsut, -analogit pineqarmata. Taamaattumik imm. 4 maanna taamaallaat allagaateqarfiit aappaannaannut atorsinnaavoq, aammalu allagaateqarfiit digitaliusutut atortuule-rumaarsinnaasut pisortanit nam-minersortunit aamma peqatigiif-fimmit siunissami. Titarneq ki-ngulleq</p>	<p>Siunnersuummik allanguinissamat tunngavissiinngilaq.</p> <p>Pissusissamisoortinneqarsimavoq oqaasertap attatiinnarnissaa “allagaatinut akisussaasoq taamani siullermik paasissutissanik taak-kuninnga suliaqarsimasoq” imm. 4-mi.</p> <p>Tamanna tunngaviligaavoq pineqartoq allagaateqarfik namminersortoq inunnut paasissutissanut inatsimmi maleriagassat naapertorligit paasissutissanut akisussasutut isigineqartarmat.</p>

		<p>ilanngunneqarpoq uagut tungitsinniit paasinninneq tunngavigalugu, erseqqissarumallugu paasissutissanut oqaaseqaat innersuussisussaammat allagaateqarfimmut aalajangersimasumut. Uani taaguut eqqortoq “pisortat” taaguutigineqarnerisa illuat imm. 1-imi, tassaasariaqaralarpoq” <b>“Allagaateqarfimmik pilersitsisoq”</b>. Allaat allagaatinik tunniussisoq paasissutissanut akisussasutut isigineqaralarpalluunniit amerlasuutigut pineqassapput suliffeqarfiit aamma peqatigiif-fiit atorunnaarsimasut. Tak. siulianiittut, taava NKA isigisariaqarpoq paasissutissanut akisussasutut tunniussereernermi.</p> <p>Naak pissutsit imaakkaluartut, piffissami matumani taamaallat tunniussinissaq ataaseq ingerlasoq namminersortut digitaliusunik allagaataannik, allat – siunissami – sanioqqutsisinnaas-sanngillat kapitalimit inunnut pisinnaatitaaffimmi nalunaarsukkami pineqartumi.</p> <p><u>Namminersortut allagaataannut</u> <u>atatillugu pinngitsoorani</u> <u>tunniussisussaataitaneq</u> <u>atuutinngikkaluartuq</u> <u>pisortanisullu, apeqqummik</u> <u>qaffattoqarpoq, qanoq pisortat</u> <u>allagaataasa eqqortsittassaneraat</u> <u>pisussaaffiit nammineq</u> <u>allagaatinik inuit pigisaminnik</u> <u>inuinnaat pilersitaannik asser-</u> <u>suutigalugu ingerlatseqatigiif-</u> <u>finniit aamma peqatigiiffinniit</u> <u>pisuni.</u> Tamanna aaqqiissutis-sarsisariaqarpoq qulaarlugulu, immaqalu aamma matumani tunngavilersuutaassasoq inunnut paasissutissanut peqqussummi aalajangersakkanik sanioqqutsisinnaanissaq.</p>	
12	EPI	Uagut EPI-mi inassuteqarpugut	Siunnersuummik allan-

		inatsisissatut siunnersuut tusar- niaassutigineqartoq taamatut isikkoqartillugu annerusumillu oqaaseqarfigeqqinnagu akuersissutigineqassasoq.	nguinissamut tunngavis- siinngilaq.
--	--	---	--

## **Inatsisissatut siunnersuummi aalajangersakkanut ataasiakkaanut oqaaseqaatit**

### § 1-imut

#### Nr. 1-imut

Aalajangersakkamut tunuliaqutaasoq siunertaasorlu pillugit nalinginnaasumik nassuiaatit immikkoortumi 2.2-miittut Inatsisartut inatsisaata atuuffissaanut tunngasut innersuussutigineqarput.

#### Nr. 2-mut

Aalajangersakkami § 6, imm. 1-imi elektroniskimik toqqortaatinik toqqortaatinillu allanik toqqorsinermi, toqqorseriaatsip atorpeqartup agguataarneqarnera piumasaqaatillu pillugit ersarissaanernik pilersitsivoq. Taamaattumik taamaallaat elektroniskimik toqqortat, atortulersuummi qarasaasiamut toqqorsiviusumut millisillugit nuunneqarsinnaaffianni, toqqortaatigineqassapput.

Toqqortaasivik ima paasineqassaaq, oqartussaasut qarasaasiatigut atortulersuutaannit paasissutissat nuutitat, ilassuserneqarsimasut atortulersuut kiisalu allagaatit pillugit uppernarsaatinik, taakkunani paasissutissat qanoq imminnut ataqatigiinnerat nassuiarneqarsimassaaq aamma aalajangersimasumik iluseqartumut toqqorneqassallutik.

Aalajangersakkami § 6, imm. 2-mi, toqqortaatit toqqorsiveqarfinniit assigiinngitsuneersut avissaaqqatinneqarnissaannut tunngatillugu pingaarnertut maleruagassaqarpoq. Pingaarnertut maleruagassamut atatillugu, imm. 3-miittumut, mininneqarsinnaasunut innersuussineq ilanngunneqarnikuuvoq.

Aalajangersagaq § 6, imm. 3-miittoq, imm. 2-mi pingaarnertut maleruagassamut minissinermi atugassaavoq.

Maleruagassat saqqummiunneqarnikut siulliit toqqorsiveqarfinni assigiinngitsuni suliarineqarsimasut, maannakkullu Nunatta Katersugaasivianut Allagaateqarfianullu tunniunneqarnissaat sioqqullugu toqqorsiveqarfimmi aalajangersimasumi ataatsimoortillugit toqqortaatigineqartut pillugit Naalakkersuisut aalajangiisinnaanerit aalajangersakkap ammaassiffigaa.

Naalakkersuisut suleriaasiat pillugu Namminersorlutik Oqartussat nalunaarutaat nr. 18, 9, november 2017-imeersup § 34, imm. 2-ani Siulittaasup naalakkersuisoqarfia tunngavissinneqarpoq, nalunaarutit suliarineqartarnerannut najoqqutassanik aalajangersaasinnaanermut, kingornatigut allannguutinik Inatsisartut inatsisaannut ilanngussisinnaalluni, taamatut Namminersorlutik Oqartussat inatsisit pillugit nittartagaanni Namminersorlutik Oqartussat malittarisassaasat saqqummiussat nutaanik ilallugit ilanngunneqarsinnaallutik. Taamaalilluni inatsisinut nalunaarutit ilanngunneqarsinnaanerata matumuuna ammaanarpoq. Inatsisartut ukiaaneranani 2018-imi ataatsimiinnerannut atatillugu Inatsisartuni ullormut oqaluuserisassaq 48 akuersissutigaa: ”1. juli 2019 nallertinnagu inatsisinut nalunaarutit atuutinneqalernissaannut Naalakkersuisut peqquneqarnissaannik Inatsisartut aalajangiiffigisassaattut siunnersuut”

Inatsisinut nalunaarutit atuuttunngoraangata, taakku aamma Nunatta Allagaateqarfiani inatsisinik katersanut ilaalersartussaapput taamaattumillu aalajangersakkamut ilaanissaat tunngavissaatitaavoq.

Nr. 3-mut

Toqqortaatinik kommunit ingerlatsinerat toqqortaateqarnerallu pillugit maleruagassat aalajangersarneqarnissaat sioqqullugu kommunit isumaqatiginninniarnernut ilaatinneqartarnissaat aalajangersakkap qularnaarpaa.

”Isumaqatiginninniareernikkut” imatut ersarinnerusumik paasineqassaaq, akuersissuteqarnissaq pitinnagu maleruagassat aalajangersaaffiginissaannut siunnersuut kommunit tamarmiusut peqatigalugit oqaloqatigiissutigineqassapput.

Kommunit akunniminni isumaqatigiissimanissaat pillugu piunasaqaateqartoqanngilaq matumanilu siunnersuummut kommunit ataasiakkat oqaaseqaatigiumaagaat sapinngisamik mianerineqartariaqarput.

Nr. 4-mut

Inunnut paasissutissanut inatsimmi § 56-iani aalajangersarneqarpoq, nalunaarutininik, kaajallaasitanik inatsisiniluunniit malittarisassanik nalinginnaasunik assigisaannik paasissutissanik suliarinninnermut atatillugu inuup namminerisamik inuunerata illersorneqarnissaanut pingaarutilinnik suliarinninnermi Datatilsynimit akuersissummik pissarsiniartoqartassasoq.

Matumani maleruagassamik aalajangersaasoqarnikummat, paasissutissanik inuup namminerisamik inuunerata illersornissaanut pingaarutilinnik suliarinninnermut atatillugu tamanna sunnuteqarsinnaasoq naliliivigineqarpoq, matumanilu oqaaseqaammik datatilsynimit pissarsiniartarnissap pisussaaffiunissaanut ersarissummik aalajangersaasoqarnissaa pissusissamisoortutut isigineqarpoq.

Aalajangersagassamut tunngaviusussamut siunnersuutigineqartumi anguniarneqarpoq, inuit pillugit paasissutissanik suliarinnittarnermut inatsimmut ilaasumi, oqartussaasup tunniussisuusup paasissutissanik toqqortaatigineqartunik atoqqiisinnaanissaa pillugu aalajangersakkanik aalajangersaanermut ilaatigut taassuma atorineqarnissaa.

Nr. 5-imut

Kommunini ingerlatsiviit toqqorsiveqarnermut allakkanillu nalunaarsuiffeqarnermut pilersaarutunik suliaqartarnissaat pillugu maleruagassanik aalajangersaanissaq sioqqullugu, isumaqatiginninniarnernut kommunit tamarmik ilaatinneqarnissaat aalajangersakkap qularnaarpaa.

Takukkittaaq nr. 3-mut nassuiaatit.

Nr. 6-imut

”Kinguarsaanertaqanngitsumik” ima paasineqassaaq, tamanna piaarnerpaamik pissasoq aamma tunniussinissap kinguartinnissaa aatsaat akuerineqarsinnaassaaq, nammineerluni pisuussutiginngisamik pisut pisimappata. Suliassamik salliutitsinnginneq, nammineerluni pisuussutiginngisassamik pisutut isigineqarsinnaanngilaq.

Nr. 7-imut

Tunniussisarneq pillugu maleruagassanik aalajangersaasinnaanermut tunngaviusoq atorlugu, assersuutigalugu toqqortaatinik taama ittunik piffissap qanoq ilinerani aamma qanoq iliorluni tunniussisoqartarnissaa pillugu maleruagassanik aalajangersaasoqarsinnaavoq.

Nr. 8-mut

Aalajangersakkami erseqqissarneqarpoq pisortat ingerlatsiviit nammineq toqqortaatigisimasat atoqqiisinnaagaat sulianut atatillugu, ingerlatsiviup nammineq tunniutereersimasai

Suli naatsorsuutigineqarpoq aallaavittut allagaatit ingerlatsiviup nammineq tunniussimasai “angerlaallugit” atoqqinneqarsinnaasut. Atoqqiisinnaanermut periarfissaq taamaasilluni aamma isiginiarneqassaaq illersuinerneq malittarisassanut pioreersunut ilassutitut. Nutaatut aalajangersakkami ilanngunneqarpoq siunnersuummi § 21 c-mut innersuussineq, taamaasillunilu Datatilsyn-imiit akuersissummik piniartoqartussaalluni, paasissutissat pineqartut inuit ataasiakkaat inuttut inuunerannut taamaallaat attuumassuteqarsimatillugit.

Nr. 9-mut

Aalajangersakkami erseqqissarneqarpoq Nunatta Katersugaasivianut Allagaateqarfianullu nalunaartoqartussaasoq, pisortanit oqartussaasut allagaatinik tigusaqarsimanerata kinguninngua, imaluunniit pissarsisimanerata kinguninngua. Nalunaartussaataitanermilu aamma ilaapput pissutsit pisortani oqartussaasut neqeroortigineqarneri allagaatinik, imaluunniit allagaatit taamaattut piuneri pillugit ilisimatinneqarsimatillugit.

Nr. 10-mut

Aalajangersagaq taanna tunngavissaatillugu, toqqortaatnik tamanit pissarsiarineqarsinnaanngitsunik pissarsinissamik qinnuteqaammut atatillugu assersuutigalugu paasissutissat suut tunniunneqartassanersut pillugu maleruagassanik Naalakkersuisut aalajangersaasinnaassapput. Matumani inunnik pineqarsinnaasunik killiliineq, oqartussaasumit tunniussisumit atsiukkamik akuersissummik piomasagaat il.il. aamma ilaasinnaapput.

Nr. 11-mut

Toqqortaatit atukkiunneqartut peqqissaartumik suliarineqartarnissaat aalajangersakkap qularnaarpaa.

Toqqortaatnik atukkiussinermut atatillugu Nunatta Katersugaasiviata Allagaateqarfiatalu piomasagaateqarsinnaanera periarfissinneqarpoq, taamaalilluni atukkiussinissamut akuersissummik tunniussisoqarnissaa sioqqullugu suliffeqarfik atukkerneqartoq aalajangersimasunik sillimaniutissanik iliuuseqarsinnaaqullugu.

Piomasagaat assersuutigalugu toqqortaatit angallanneqarneranni immikkut piomasagaammut tunngasinnaavoq kiisalu piffissami atukkiiffiusumi toqqortaatit toqqortarineqarnerannut passunneqarnerannullu immikkut piomasagaataasinnaallutik.

Nr. 12-imut

§ 21 a-mi aalajangersagaq ataatsimut aalajangersaavoq periarfissamik Nunatta Katersugaasiviata Allagaateqarfiatalu pisuni aalajangersimasuni akuersissummik nalunaaruteqarsinnaaneranut pappialaatinik, allagaateqarfinnik imaluunniit allagaateqarfikkaanik ataatsimoortukkaanik atuisinnaanermut atuisinnaanermut piffissaliussaasup naannginnerani.

“Pisuni aalajangersimasuni” oqarnermit ersersinneqarpoq aallaavittut naatsorsuutigineqartoq nalilersuisoqartassasoq pisuni namminerni ataasiakkaani, akuersissuteqartoqarsinnaanersaq pillugu.

Innersuussineq § 21 b aamma § 21 c-mut ikkunneqarput malugeqqullugu §§-ini 21 b aamma 21 c eqqaaneqartut assersuutit akuersinissamut piomasagaataaneri, ataqqineqartussat, akuersissuteqartoqartinnagu.

Aalajangersakkami § 21 b-mi pineqarput pissutsit assigiinngitsut pingasut, akuersissummik piniartoqarfiussasut pisortaniit tunniussisuusimasuniit.

Siullertut § 17 naapertorlugu piffissaliussamik sivisunerusumik aalajangiisoqarsimatillugu. Tamatumani pissutaavoq pisuni taamaattuni pingaaruteqartunik isiginiagassaqartarnera

pisortanik imaluunniit inuinnaat soqutigisaannik, atuisinnaanermut piffissaliinermik sivilisunerusumik kinguneqartumik, tamannalu isumaqatigiissutigineqartarmat pisortanut tunniussisuusunut. Taanna illersuinissamik isiginiagassaq ersarissumik ilaliilluni akuersisoqarnissaanik piumasaqarpoq, atuisinnaanermut piffissaliussaasup naannginnerani pisussamik.

Aappaattut allagaateqarfik imaluunniit pappialaatit ukiunit 25-init nutaaneruppata. Tamatumani pissutaavoq allagaateqarnermut inatsimmi nalinginnaasumik atuisinnaanermut piffissaliussaasartut § 15 naapertorlugu ukiut 25-usarneri.

Pingajuattut allagaateqarfik immikkoortoq Naalagaaffeqatigiinnermi oqartussaneersuutillugu. Tamatumani pissutaavoq Naalagaaffeqatigiinnermi oqartussaasut allagaatinik allagaateqarnermit inatsimmi § 18 naapertorlugu tunniussineranni isumaqatigiissuteqartoqartarmat atuisinnaanermut piffissaliussap naannginnerani atuisinnaanermik, taamaattumillu akuersissut atuisinnaanermut piffissaliussap suli naannginnerani isumaqatigiissutaasunut akerliussammat, taamaammallu akuersisoqarnissaanik piumasaqarfiummat.

§ 21 c-mi aalajangersakkami pineqarput allagaateqarfiit pisortaniit tunniunneqareersimasut pisortat ingerlatsiviata nammineq iluani, imaqartullu inunnut ataasiakkaanut tunngasunik taakkualu atugaannik, siusinnerusukkullu paasissutissanik pineqartunik suliaqarneq inunnut paasissutissanut inatsimmut ilaasimasuni, imaluunniit qarasaasiami nalunaarsukkani ilaasimasuni, pisortat ingerlatsivianniit suliaasimasuni. Paasissutissat taamaattut allagaateqarfeqarnermut inatsimmi § 16 naapertorlugu atorneqarsinnaanermut killiliivigineqartarput ukiunik 80-inik. Datatilsyn-ip akuersisimanissaanik taamaattuni aallaaveqarnerit tunngaveqartinneqarput paasissutissat taamaattut malussajausarnerinik.

Nr 13-imut

Aalajangersakkamik uannga tunngaveqartumik, assersuutigalugu toqqortaait sumi atorneqarnissaat, inunnut paasissutissanut inatsimmi tamanna pillugu maleruagassat naapertorlugit datatilsynimut qanoq annertutigisunik nalunaaruteqartoqartarnissaa, paasissutissat siunertanut sunut atorneqarnissaat aamma inuit pillugit paasissutissanik imaqartunik toqqortaatinut atatillugu paasissutissanut akisussaasussamik toqqaaneq pillugit maleruagassanik aalajangersaasoqarsinnaavoq.

Nr. 14-imut

Inunnut paasissutissanut inatsimmi § 31 malillugu, paasissutissanut akisussaasup paasitinneqarnissamik qinnuteqaat akissuteqarfīgissavaa.

Imm. 1-imi aalajangersarneqarpoq, Nunatta Katersugaasivia Allagaateqarfialu tassaassasoq paasitinneqarnissamik qinnuteqaammik nassiussiffiususaaq. Tamatumani

tunnjavilersuutaavoq, piffissami pineqartumi paasissutissanik toqqortaateqartuummat Nunatta Katersugaasivia Allagaateqarfialu.

Imm. 2-mi aalajangersarneqarpoq, qinnuteqaammi paasissutissat pineqartut oqartussaasumit sorlermit suliarineqaqqaarsimanerat nalunaarneqassasoq. Matumani siunertarineqarpoq, qinnuteqaat oqartussaasumut sorlermut ingerlateqqinneqassanersoq paasinartuussasoq, tamanna pillugu imm. 3-mi aalajangersagaq naapertorlugu.

”Oqartussaasumut pineqartumut” imm. 3-miittoq ima paasineqassaaq, paasissutissanik pineqartunik suliarinneqqaartoq oqartussaasoq, tassa aalajangersagaq imm. 2-mut ataqatigiissillugu isigineqassammat.

Imm. 4-mut tunnгатillugu oqaatigineqassaaq aalajangiinissamut oqartussaaneq inuit nammineq allagaatini toqqortaataanniittarmat, inuit nammineq allagaatit toqqortaataat inunnt paasissutissanut inatsit naapertorlugu inuit pineqartut toqqortaatiminnut akisussaasuummata.

Nr. 15-imut

Kinguneqaateqartitsisarneq pillugu aalajangersagaq atuuttoq allanngortinneqassasoq siunnersuutigineqarpoq, taamaalilluni toqqortaatit pillugit inatsimmi § 5 aamma § 12 tamakkerlugu, § 14 a-mi aalajangersagassatut siunnersuut aamma § 21, imm. 2, oqaaseqatigiit aappaannut naapertorlugu piumasqaatit aalajangersarneqarsimasut aamma ilanngunneqarnikuullutik. Taakku saniatigut § 6, imm. 3-mik, inerteqquteqarnissamik peqqusissuteqarnissamilluunniit aalajangersagaanngitsumik, ilanngussinissamik siunnersuutip malitsigisaanik ersarissaasoqarpoq, taamaallaat § 6-imi, § 6, imm. 1 aamma 2 tassaasut kinguneqartitsiffiusinnaasut.

#### § 2-mut

Piffissaq atuuttunngortitsiviususaaq, siunnersuutip akuerineqarnerata kingorna Inatsisartut inatsisaannik atuuttunngortitsinissaq siunertaralugu aalajangersarneqarpoq.

Imm. 2-p, aalajangersakkat siunnersuummiittut aamma toqqortaatinut oqartussaasumit suliarineqarsimasunut imaluunniit Inatsisartut inatsisaata atuutilernissaa sioqqullugu oqartussaasup pissarsiarisimasaanut sunniuteqarnissaa malitsigissavaa.